

**Bosna i Hercegovina**  
**FEDERACIJA BOSNE I HERCEGOVINE**  
**AGENCIJA ZA NADZOR OSIGURANJA**  
**FEDERACIJE BOSNE I HERCEGOVINE**  
**S A R A J E V O**

Službene novine Federacije Bosne i Hercegovine broj: 31/15

Na temelju članka 10. alineja 2 Zakona o društvima za osiguranje u privatnome osiguranju („Službene novine Federacije Bosne i Hercegovine“ broj: 24/05 i 36/10), i članka 16. alineja 7 Statuta Agencije za nadzor osiguranja Federacije Bosne i Hercegovine („Službene novine Federacije Bosne i Hercegovine“ broj: 56/05), Stručni savjet Agencije za nadzor osiguranja Federacije Bosne i Hercegovine, na 26. sjednici održanoj 09.04.2015. godine, d o n o s i

**ODLUKU**  
**o pravilima za učešće zainteresirane javnosti**  
**u izradi podzakonskih akata**

Članak 1.

Ovom odlukom se uređuju se pravila za učešće zainteresovane javnosti u izradi podzakonskih akata donesenih na temelju Zakona o društvima za osiguranje u privatnome osiguranju, Zakona o osiguranju od odgovornosti za motorna vozila i ostale odredbe o obveznom osiguranju od odgovornosti i Zakona o posredovanju u privatnome osiguranju, u Agenciji za nadzor osiguranja Federacije Bosne i Hercegovine (u daljnjem tekstu: Agencija za nadzor).

Članak 2.

Svrha donošenja ove odluke je razumijevanje stvarnog učinka normativno – pravnih aktivnosti čiji obrađivač i donosilac je Agencija za nadzor, koordiniranje i razumijevanje sa zainteresovanom javnošću, efikasnost i efektivnost Agencije za nadzor u ovom domenu.

Članak 3.

Agencija za nadzor će na svojoj službenoj internet stranici [www.nados.ba](http://www.nados.ba) objavljivati sve predložene podzakonske akte u formi nacрта, uz pružanje mogućnosti za dostavu komentara u roku od 10 dana od dana objave.

Članak 4.

Uz nacрте podzakonskih akata prilaže se i obrazloženje u kojem je objašnjena potreba za donošenjem pomenutog podzakonskog akt i njegova svrha.

Članak 5.

Agencija za nadzor će uz objavu akta na službenoj stranici objaviti i poziv na dostavu komentara, prijedloga i sugestija zainteresiranoj javnosti.

Komentari se mogu dostavljati elektronskim putem i u pisanoj formi, uz obvezno navođenje naziva i ovlaštene osobe pošiljaoca.

#### Članak 6.

Direktor Agencije za nadzor, određuje koordinatora za konsultiranje koji je odgovoran za koordiniranje svih obveza Agencije za nadzor u pogledu konsultiranja a kontakt informacije se objavljuju na službenoj internet stranici Agencije.

#### Članak 7.

Za zainteresiranu javnost određuju se sljedeće institucije:

- a. Agencija za osiguranje u Bosni i Hercegovini,
- b. Agencija za osiguranje Republike Srpske,
- c. Ministarstvo financija Federacije Bosne i Hercegovine;
- d. Zaštitni fond Federacije Bosne i Hercegovine,
- e. društvo za osiguranje,
- f. posrednici u osiguranju,
- g. udruge iz oblasti osiguranja,
- h. druge institucije ako su njihove primjedbe neophodne ili ako po smislu stvari mogu dati korisne primjedbe, prijedloge ili sugestije.
- i. organizacije i pojedinci koji su stručni za pojedinu oblast koju regulira podzakonski akt.

#### Članak 8.

1. Agencija za nadzor, odlučuje koje od primljenih komentara, prijedloga ili sugestija dobijenih od zainteresirane javnosti će prihvatiti ili odbaciti, uz obrazloženje zbog čega je donesena takva odluka, da li su ispunjene minimalne obveze u pogledu konsultiranja i da li nacrt podzakonskog akta ima značajnog utjecaja na javnost ili ne.
2. Ovo obrazloženje je sastavni dio obrazloženja kojeg Agencija za nadzor dostavlja Stručnom savjetu Agencije za nadzor, u prilogu predloženog podzakonskog akta.

#### Članak 9.

U izuzetnim okolnostima direktor Agencije za nadzor može izuzeti određeni akt od obveze provođenja konsultiranja ako utvrdi da je iz nekog razloga potrebno napraviti izuzeće, te dostaviti Stručnom savjetu Agencije za nadzor detaljno obrazloženje ovakvog izuzimanja.

#### Članak 10.

Izuzimanjem se Agencija za nadzor ne oslobađa ispunjenja minimalnih obveza u pogledu konsultiranja, osim minimalnog roka za dostavu komentara ako su razlog izuzimanja hitne okolnosti.

#### Članak 11.

Ova odluka stupa na snagu osmog dana od dana objave u Službenim novinama Federacije Bosne i Hercegovine.

PREDSJEDNIK

Željko Šain v.r.

Broj: 1.0.-021-452-6/15  
Sarajevo, 09.04.2015. godine